

Lagerbericht vom 05.10.2018

Dä Morge sind mer vo verbrönbare Holzstäb (chorz gseit: Klarinette) gweckt worde. Nach eusem immer guete Zmorge(danke Chuchiteam☺) händ mer zum letschte mol Morgemord gha under de kundige Leitig vom Michi. Denn isch die letschti Gesamtprob im BLOWN 2018 gsi und de Sandro het kei Schreikampf vom Holzregister becho. Obwohl alli hundemüed gsi sind, isch die Prob recht guet gange. Am Morge nach de Pause hämmer no chli individuell Prob gha . Am halbi zwölfi hämmer eusi Instrument im Töggeli – Ruum müsse parat mache und darum hämmer leider eusi morgendliche Prob müsse beende.

Zmittag hets soooo superfeini Fajitas geh☺.

Dass mer au sicher sind, dass mer richtig spillet, hemmer no es Konzert im licaufscener Pizollpark geh. S´Konzert isch be de Bsuecher guet ahcho. Üse Dirigent und de Lagerleiter sind denn no vo üsne Zueschauer abglänkt worde und somit hät sich euses Konzert chli id Längi zoge. Dur das, dass vili Chinde müed gsi sind, hend sich tolli und begeisterti Persone vom Lager freiwillig gmolde um Alphorn z´spleie und üs somit es bizeli Arbeit abzueeh. Migros hät üs allne denn no es Zvieri spendiert.

Nachere sehr aastrengende und lange Busfahrt (wo mehr zum Glück für üsi ganzi Truppe vo ca. 50 Persone en Extrabus spendiert becho hend vom liebe Postauto) hend sich de einte oder andere au no chönne erhole. Gllii drufabe händ mir denn no Znacht becho. No nie hend mir alli soviel gesse wie hüt (es het eifach s beste vom beste geh wo s´Chuchiteam eus die Wuche scho mal Uftischt händ → „Reste“).

Dur das, dass hüt de bunti Abig gsi isch, isch es wahnsinnigs tolls Toto organisiert worde. En herzliche Dank ah euses OK – Team.

Jan, Caroline und Iwan